

建玄伏博士始末
華氏中藏傳



建立伏博士始末序

伏博士之建立發端於星衍而成於撫部和寧人
方伯俊劉學使鳳誥者也星衍以嘉慶元年權臬使
在歷下欲奏請建立伏博士或言故相某擅權方廢
兩司專達舊章言之事必不成乃具稿移呈學政而
屬鄒平故李令瓊林訪求伏氏嫡裔資給之使讀書
越七年竟得入告奉

俞旨准以伏生六十五代孫敬祖世襲五經博士夫
孔子微言大義七十子得其傳有漢諸儒授其學伏
生傳書二十九篇其功尤在絕讀之際壁藏其文而
口授其義使五帝三王之訓典不墜於地自非後世

諸儒說經立行列身兩廡者可比明人無識不爲有漢一代諸儒請立博士且不及伏生數千年缺典待發於

國朝不可不記述始末以彰一代興廢繼絕之盛治伏生系出子賤見顏之推引單父子賤碑唐宋人姓氏書所載世系淵原不同虛造益宜著錄時爲鄭康成並請建立博士奉部駁以毛氏詩戴氏禮等不便一體建立爲詞不知鄭氏於易書詩三禮三傳皆有注義獨集經學之大成躋之身通六藝之儒過無不及頃又具稿會議邱方伯庭濬再請大府上聞星衍將以明春親訪鄒平伏徵君墓會商當道修理祠廟

刻石書事以垂永久聊書其略於簡端嘉慶十
長至後五日

賜進士及第山東督糧道晉階二品孫星衍撰



北京中醫藥大學圖書館版權所有

建立伏博士始末卷上

公牘

嘉慶元年十二月十一日署按察使司孫咨山東學
院曹爲咨呈事本司查

國家擇先聖賢之後置五經博士授以世職所以崇
儒重道典禮優渥其制仿自明景泰時歷代增置至
我

朝修明祀典自孔門十哲上溯周公旁及關雎下至
宋儒皆爲置立五經博士至周至備考列朝五經博
士之設或以制禮作樂或以身通六藝或以闡揚道
統惟漢代諸儒承秦絕學之後傳授經文經義去古



北京中医药大学图书馆版权所有

不遠皆親得七十子之傳若伏生鄭康成其功在經學絕續之際較七十子爲難又迴在唐宋諸儒之上今世祠墓子孫現在本屬鄒平高密之境允宜會同貴院將二賢學行奏請

國家予以曠典以昭先賢傳道之報考尚書出於伏生壁藏又口授其義始有今文二十八篇顯於世及孔壁得古文書孔安國以今文讀之其無今文可証者凡十六篇竟不能讀又無能註者謂之逸書存於故府今之孔傳梅賾所上非孔壁古文朱文公疑之是漢無伏生則尚書不傳傳而無伏生亦不明其義卽古文書後出孔壁無伏生之今文亦不能識讀是

伏生一人爲唐虞三代微言道統之所寄今鄒平有
伏氏諸城有宓氏皆其後也鄒內闕五世爲天儒於
易書詩禮論語孝經皆有傳註以對與典事外
欽定諸經義疏多引鄒註唐儒正義推闡其說宋儒
章句沿襲其詞至乎三代禮儀服物典章周程張朱
註解不出鄒註範圍亦或遜其精密故范史以孔書
遂明稱之核其行事見於史傳亦無可議今其祠墓
子孫現在高密前學院阮曾加修葺又爲設奉祀生
或以前代置五經博士重在道統不知道存乎經統
本於堯舜禹湯文武伏生不傳尚書道何所存統何
所述東晉板蕩經師失傳諸經之義豈能臆說賴鄒

康成集漢儒之大成經義無康成則淵源幾絕唐宋諸儒何由復傳道統幸值我

國家久道化成興廢繼絕伏生鄭康成祠墓子孫適在東省地方官自宜陳請增置五經博士以爲世職維學院有激揚風化之責事關崇奉先賢本司不便專政爲此咨呈貴院挈本司銜名具稿上聞並祈指正裁奪賜覆施行

嘉慶三年十二月初三日鄒平縣知縣李詳濟南府金爲查明先賢嫡裔詳請承襲以隆祀典事卷查嘉慶二年正月初四日蒙本府票內開一件爲咨呈事嘉慶元年十二月十六日蒙學院曹牌開嘉慶元年

十二月十一日據署臬司孫咨稱先儒伏生鄭康成
宜陳請增置五經博士等情到院查五經博士承襲
定例由藩司核議詳請撫部院具題咨部辦理茲據
呈請增設事關題請應飭該地方官查明伏生鄭康
成嫡裔開造事實清冊妥議通詳等因到府合行轉
飭又於嘉慶三年五月二十一日蒙本府憲票前事
內開本年五月十二日蒙布政司票開前准臬司咨
查先儒伏生後裔伏氏係鄒平縣人增置五經博士
以光祀典等因當經抄錄行查去後迄今日久未據
詳覆合行飭催等因到縣蒙此遵卽差查去後嗣據
卑縣伏生鄉伏中興同伏敬祖呈稱爲遵諭陳明懇

恩轉詳事切身始祖名勝爲秦博士及漢文時口授傳今文尚書宋咸平三年追封乘氏伯居古濟南城東關今祠墓在鄒平城北十八里二世三世四世名諱無考至五世祖孺當漢武時客東武因家焉六世七世亦無考八世祖名理當代名儒受詩於匡衡九世祖名湛漢成時拜大司徒封陽都侯家藏宗圖二世三世四世以及六世七世闕名與漢書所載伏氏世系適相符合實無從再爲確查闕文十世祖名翕爲湛之子亦嗣陽都侯爵至十六世祖典當漢獻時國除累世傳至元代有名伏步者當順帝末年青州府屬縣兵荒特甚遷居鄒平北鄉載在家乘步係始

祖四十六世孫湛祖三十八世孫此回籍鄒平之始祖也又傳至六十一世名永芳前任縣主程於康熙三十五年選爲奉祀乾隆十一年前任縣主雷又選身父名紹先爲奉祀均蒙賜給縣文可驗又傳至身爲始祖六十三世孫身姪孫爲始祖六十五世孫現今蒙各憲飭查後裔宜陳請增置五經博士身年已老邁不堪承襲身姪孫敬祖年十歲現在從師肄業於嘉慶元年奉祀陪祭爲始祖六十五世孫爲湛祖五十七世孫守墓祭奠歷經數百年矣理合將遷徙回籍緣由懇請轉詳上憲

奏請授敬祖世襲五經博士以昭二千餘年曠典伏

祈恩准轉詳計粘呈宗圖一紙等情據此卑職會同
儒學覆查無異該鄒平縣知縣李瓊林查看得奉憲
飭查先儒伏生後裔請增置五經博士一案緣伏生
名勝爲秦博士及漢文時口授今文尚書至宋咸平
時追封乘氏伯居古濟南城東關今祠墓在卑職城
北十八里伏生鄉春秋官爲致祭伏生五世孫伏儒
漢武時遷居東武卽今之青州府屬也載在漢書至
元代有名伏步者係伏生四十六世孫當順帝末年
值青屬兵荒遷居卑縣城北伏生鄉累世相傳至六
十一世名永芳康熙年間前任程令選爲奉祀令其
陪祭至乾隆十一年間前任雷令又選六十二世孫

伏繼宗之兄伏紹先爲奉祀生均未詳給部照今紹先之子伏中興係伏生六十三世孫現在年老務農不能承襲惟查六十五世孫敬祖年甫十齡從師讀書克承儒業卑職伏思

國家崇儒重道凡先賢後裔咸增置五經博士以昭曠典今查先儒伏生自秦火之後口授尚書今文二十八篇以顯於世是漢無伏生則尚書不傳傳而無伏生亦不明其義誠如前臬憲所咨伏生一人爲唐虞三代微言道統之所寄允宜選擇嫡裔早爲承襲以昭

褒崇盛典今查伏敬祖是否係伏生嫡派長支長孫

除宗圖之外別無考証惟查卑縣境內現在除伏繼
宗伏中興伏敬祖三人並無伏姓其人則伏敬祖爲
伏生嫡派似無疑義應請卽令伏敬祖承襲五經博
士以符

盛典緣奉飭議理合取具宗圖並地隣戶族甘結造
具歷履清冊加具印結會同儒學具文詳請憲臺察
核施行

嘉慶五年十二月初十日布政使司全詳巡撫部院
惠爲詳請增設五經博士以光祀典事嘉慶五年四
月初三日蒙前巡撫部院蔣批據鄒平縣先儒伏生
增設五經博士緣由蒙批查增設五經博士事關鉅

典未便草率據詳先儒伏氏祠墓子孫俱在該縣城北有無碑誌書籍考証其祠堂建始何年現在在何修理墓道何所曾否設有奉祀生現在本支人數若干詳內均未查明聲叙礙難核辦仰布政司轉飭詳細確切查明祠墓實據取具世系宗譜圖說詳請察奪仍候學院批示繳等因批司蒙此當經錄批轉飭詳查祠墓實據去後茲據濟南府知府德生詳據鄒平縣知縣李瓊林詳稱遵卽復查據卑縣伏生鄉伏繼宗呈稱緣身始祖名勝前爲秦博士宋咸平二年追封乘氏伯爵配享

聖廟東廡墓在鄒平縣城北一十八里伏生鄉卽今

縣誌所載古濟南郡東關也其祠之創建年遠莫稽
墓前碑記至順二年重修禮部尚書張起巖撰文後
歷元明以及

國朝重修數次俱有縣誌碑文可考縣誌內載佚墓
林烟圖爲邑十六景之一又載墓有牆旁有祠祠旁
有書院爲朔望講學之所今墓與書院俱廢僅有墓
坵墓道碑在鄒邑城東七里舖東西大路北與墓南
北對直相隔十八里墓東南旁現有祠三間東西書
樓二座祭庭三間大門一座查漢書載伏生世系始
祖名勝卽傳經之伏生二世無名三世有記載無名
四世無名五世名儒武帝時客東武因家焉六世七

世俱無名八世名理當代大儒以詩授成帝至湛爲
始祖九世孫光武徵拜大司徒封陽都侯漢書與身
家所傳譜系相合雖有闕名實足信古而傳後且嘗
考家乘圖說有始祖四十六世孫名步爲身十七世
祖當元朝末年自青歸鄒世守祠墓治祭陪祭已數
百餘年至康熙三十五年前任縣主程選身父名永
芳爲奉祀名載重修碑記乾隆十二年前任縣主雷
又選身堂兄名紹先爲奉祀給縣印札實未領有部
照紹先係現在詳請承襲五經博士伏敬祖之曾祖
也現今本支人數身爲始祖六十二世孫外惟姪曾
孫敬祖爲始祖六十五世孫身年七十六歲無子嗣